

龍山縣志卷之十五

節烈

賢婦 壽婦

龍山泉壤淵厚人心慤質疆域偏僻四方淫靡之風無所參染故閨闈中往往以節烈顯匪惟詩書世族也或身殉所天死無濡忍或以耄親孤穉畱身事畜艱瘁不回雖生死區方其義一致也抑巨寇所經恣爲淫虐蛾眉虎口剛脆不當而辛酉之變吾邑婦女被鹵者多以牴賊實身白刃羅前詈聲營厲肉齏骨粉完節尤難彙其事而著之負園每生咸資感奮

龍山縣志

卷之十五

節烈

一

李張氏李亘華妻也幼淑敏父母鍾愛之年十九歸亘華亘華先籍武陵父蚤卒及家龍山而母猶畱武陵依其叔弟以居氏性仁孝故嘗以遠姑曠昏晨爲懋姑病則急隨其夫往省迄喪逾期乃返亘華素慨忼不屑治生產家政皆氏肩之然姻黨有乞貸輒應諾不先於家謀有無也旣氏皆竭力以恣其需曰先姑在時其家未自給猶省口食以濟人况今少裕乎吾以承先姑意也年二十九亘華沒遺子三女二時竝其仲弟孤子女共十人俱韶穉氏爲撫育之累勤劬十餘年皆成立昏嫁



無過時次子如崑少穎聰能讀書氏既以夫未竟學死  
爲憾則時謂如崑曰汝兄琦體多病非能力學者子惟  
汝勉之能力學伸汝父志則其子也不然安用汝爲後  
如崑入選貢捷順天鄉試每報至宗親皆入賀而氏涕  
洟不自禁蓋憾其夫之不及見也賀者亦爲泣然年六  
十七沒氏仁孝喜賙濟父母老而貧迎養於家終其身  
殮葬如禮長女夫窘生計數資之次女夫早喪遺子一  
家且窘招之歸同其衣食氏家饒富既以次子屢北上  
時畱京又多推施故減產業然嘗貶日用差自給夷然  
如前時氏先久病形瘠而鬣及沒方小殮忽光潤煥發  
印準閒紅黃彩色翹照帷壁逾一日夜而滅以子如崑  
貴

誥封孺人

晉贈宜人

龍山縣志

卷之十五

節烈

二

蕭夏氏蕭尙錦妻尙錦初娶王氏以忤其父母出之父  
母沒乃續氏時年十五及年二十尙錦沒遺子一女一  
氏父母勸其更嫁數強逼之氏堅拒不從遂終身不入  
夏氏之門女未笄而夭於是獨撫其子然教督之極嚴



少不當意卽令之跪予杖且泣曰吾非汝故早從  
汝父地下矣子故孝能曲承母在外與人爭攘不肯休  
或傳母命呼之卽弭然返氏居廛市市常罹火災一日  
烈焰延燒左右廛舍皆灰燼而氏居獨存他日同舍火  
及氏寢火忽滅其寢室復存無恙人咸詫異之氏家初  
甚貧氏未嫁時有紡績資迄夫沒則畀其僕戴某爲經  
紀某老而吃然忠實善積通致氏家饒裕而未嘗私一  
錢某死啟其笥一敝衣而已人稱曰義僕蓋天子以佐  
節婦者

龍山縣志

卷之十五

節烈

三

姚唐氏姚秀蘭妻姑早沒事翁勝怠有孝行秀蘭體尪  
多病取氏數年無所育氏則婉勸翁勝怠續娶之曰秀  
蘭無兄弟且善病儻一朝先卒卽誰嗣翁者亟勸之於  
是翁乃續梁氏未幾秀蘭果卒氏年二十九矢不他適  
奉翁繼姑有加禮後梁氏生二子秀蕙秀著時翁年六  
十矣氏撫育二弟極勤劬二弟甫離乳卽依氏梁氏呼  
之不肯去無何翁繼姑竝沒兩弟婚娶皆氏營成之氏  
年六十餘卒兩弟哀泣如喪母時

賀晏氏賀天鳳妻年二十六天鳳死遺一子心得家世



單微外無期功之親內無婢役氏獨撫其子日閉門居  
不與鄰里相往來人罕見其面一日心得畱學於塾未  
歸氏方寢有盜將撤門入氏急起堵於門盜卽倒門扇  
壓氏踣地勢方疾更一盜至曰此節婦家也不可犯令  
前盜起門扇於傍倉皇相引去時氏已昏絕以鄰婦奔  
拯之得甦子心得後補諸生心得子順存由貢生注選  
訓導

魯伍氏魯代松妻年十八歸代松性聰慧工書數出入  
鈎稽無少爽代松故脫略一以家政畀之不問也家初

龍山縣志

卷之十五

節烈

四

貧以是致饒裕年二十餘無嗣則爲代松納彭氏者爲  
妾旣彭氏舉子二撫育如所生道光丁未代松沒遺言  
必成二子於學於是氏爲延師教之晚入內必令背日  
所誦書不熟答之至流血或謂其子非所生故忍如是  
也無何次子天氏哭之失明時長子亦得咯血疾氏更  
使輟讀爲醫治之旣差復使之學嚴課如前時數年長  
子補諸生而議者遂嘆服焉代松先累世無知學者詩  
書之教自氏始沒時訓其子曰治家宜勤苦教子無因  
循如是可矣旣沒彭氏哀泣之至昏絕踣地



鄭李氏鄭德行妻年二十八德行沒遺子三延師課之  
學朝夕具師饌必躬治之雖有媳不令代又時隱稽其  
子勤惰偶輟於讀卽呼入切責之且泣曰汝父屬汝等  
於吾儻無所成立吾死何面目見汝父也後三子竝補  
諸生平生簡笑言不背議人長短嘗貶損己衣食以賙  
嫻黨貧者氏習勤苦其子嘗夜讀至三更入室氏猶紡  
紆未輟也孫二亦諸生

黃鍾氏黃楷本妻性聰穎幼讀書史喜談古今節烈事  
年十九歸楷本侍堂上兩世皆得其歡心有家事身肩

龍山縣志

卷之十五

節烈

五

之故楷本得專力於學生一子兆文甫毀齒卽口授四  
子書令熟之日閑其嬉戲年二十三楷本沒氏哀慟欲  
以身殉家人止曰重闡春秋高而此呱呱者復誰倚耶  
於是啜泣強支厲日侍堂上旨甘夜篝燈課其子學旣  
子出就傅猶時躬稽其勤惰故兆文得砥於學以名成  
年三十六卒後十年兆文補諸生兆文曰吾母以吾父  
學未成死爲憾嘗屬期於吾然今固不及見也言已卽  
泣不自勝

劉張氏劉英韜妻年二十夫沒遺子俊顯繼天乃嗣其



兄子俊培性端方家政肅然室中不聞嬉笑督俊培嚴而有法少失檢卽痛責之族子弟故多放誕者獨俊培言動犁然與眾殊見者咸稱其母之教家富喜推施邑諸興創盡傾助之年八十餘沒女一適歐陽氏蚤喪夫守節如其母

歐陽劉氏歐陽華海妻年二十夫沒遺子三長旣婚生一子而卒氏撫兩子皆成人家世富夫沒鄰里覬其資多方虐弄之或嗾無賴者強稱貸日喧攘於門至除夜不休氏則畱老僕守而自負其子避母家過歲而返性

龍山縣志

卷之十五

節烈

六

故安和嘗堅忍以制眾故經多難而產業如初長子婦同姑姓其夫沒年亦同事姑撫子以孝慈稱

楊劉氏楊秀祥妻年十八歸秀祥越七年而寡有子二女一俱髻穉家貧事親撫孤皆資紡績以給年六十漸致豐饒先氏以節孝蒙

旌表有匾額懸正門處辛酉秋粵寇至氏出避寇火其居他什物皆燼及火抵

匾額處忽自滅若有撲者匾額旋墮地不損他日賊復取而投諸河其子歸仍於投處拾得之不隨水流去



陳汪氏陳倫士妻年二十二倫士故遺子二其父母欲更嫁堅不從時翁先沒姑以哭故目盲氏竭資延醫治之不愈一行動皆氏扶掖侍坐則爲言閭里可愕笑事令姑聽之忘所苦辛酉秋粵寇至眾走避氏姑以盲不能行氏獨守之不去賊見謂曰汝不畏死耶曰與棄姑而生何如守姑而死賊孝之不傷也同時其二子爲賊掠去不數月相繼返

張劉氏張世選妻年二十世選沒氏哭之哀不食將以身殉時世選遺子一家人以撫孤繩之乃止家窶貧躬

龍山縣志

卷之十五

節烈

七

織紵以給未幾其子天氏哀如前曰先所以不死以有子卽夫存也今無望矣終不食數日死時年二十九  
唐劉氏唐世秀妻年二十八世秀沒氏母勸更嫁不從又徇勒之不從如故自是避其母不與見勤撫其二子家貧嘗閒日一食及二子成立乃給於養焉

蔣鍾氏蔣立誠妻年二十五夫沒家貧不能治喪氏竝奩具鬻之乃殮葬如禮先一子宗澤遺腹子宗溶氏工書數能治生夫沒屢荒年自贍且以子從師課學而未嘗一日匱資用



王鍾氏王愈清妻年二十二夫沒家貧撫孤子耀國朝  
夕躬鍼滫自給閒傭浣濯以濟其乏隆冬兩手皸裂不  
休性沈靜寡笑言不與閭黨慶弔胞兄弟至立門內相  
訓詢未嘗畱與食

劉藺氏劉士貴妻年十九歸士貴翁早卒姑年耄而瞽  
家貧士貴常負販出外氏朝夕紡績奉姑衣食姑時思  
子且憂貧氏婉言慰之令歡娛而後已一日氏行汲家  
忽失於火氏見之奔歸見姑未出疾入抹鄰媪挽之絕  
袖而入卽與姑同死火中里人撲滅火視其尸則伏覆  
龍山縣志

卷之十五

節烈

八

姑身兩手抱持之不解然肌膚盡焦裂矣里人竝爲棺  
殮焉時年三十無子

范胡氏范德懋妻年十八歸德懋性貞靜寡笑言事翁  
姑婉愉盡禮年二十五夫病革朝夕籲天請以身代夫  
沒含殮周至旣憑棺號咷淚盡繼以血翁姑屢解譬氏  
率默然俄入室閉其門久之呼不應毀門入視已飲毒  
而死

黃貞女素秋黃元齡女也性溫淑知書嫻姆教祖母氏  
晏老習勤女則日隨蠶織組紉不言疲少暇卽手一編



哦呶不休尤喜誦劉向烈女傳與儕輩談古節烈事嘗  
若甚傾慕者幼字中表晏鴻儀儀貧父母蚤沒元齡招  
至家課之讀資其食衣婚有期而鴻儀病歸乃卒女聞  
耗立毀飾屏釧釵號泣請奔喪家人尼之乃臥蒙被啜  
泣日懨鬱邁重疾漸伏旋起女事祖母晏素孝謹祖母  
常患足氣扶掖撫摩十年如一日祖母故愛之及女病  
則爲書請曰願視如男孫侍養終身不他適又告於嫂  
張氏願共若事祖母父母若成吾志且爲若御鍼膏長  
相依病旣革忽傭媪進譙語於是益憤懣未幾嘔血卒

龍山縣志

卷之十五

節烈

九

年二十一女家有邃室曰退一步軒女姊妹所習遊者  
自鴻儀讀室內女卽斂迹不一過其門迄鴻儀病歸卒  
女輒至其處徘徊歔歔意不自勝女沒於咸豐己未二  
月二十四日距鴻儀沒五十七日也女工詩著有吟素  
草姿茗藻藉而時有激楚之音

向貞女鳳蘭向宏華女也母彭氏旣舉女不復生宏華  
先後納妾凡五人皆無子其三人蚤沒餘二人更以疾  
廢女念父母年將老無可委侍奉者於是欲相依終其  
其身其父母數欲字人不應也性端靜與嫺黨絕往來



人罕見其面及父喪女扶柩出葬眾始觀之然已髻髮  
皤然家故富道光初歲荒勸父約家人口食畱之餘悉  
以廩饑者父沒歲復荒女又出所積廩如前女且日一  
粥併省以充其費里人多全活者

殉難婦女紀略

胡萬氏他砂里胡文理妻年四十歲以文理被執奮力  
往救賊竝執之罵不絕口身受重創斷其舌復噴血濺  
賊面賊怒腹斬之而去子有斐覓得其尸甫殮賊復至  
竝掠有斐

龍山縣志

卷之十五

節烈

十

王賈氏四甲里塔竹坪王文貴妻年三十二歲生子女  
各一初隨夫避巖洞中女墮洞外氏往攜之適爲賊見  
逼污不從賊刃之去夜復甦呻吟中指其子謂文貴曰  
此王氏一綫速將去遲則無遺類矣文貴猶豫不忍舍  
促之行乃奔坡腳里以免明日賊果至氏復大罵賊再  
刃之竝殺其女

黃李氏辰旗里水沙坪黃世甲妻年五十八歲賊奪其  
所抱十歲女孩諾罵不從賊竝殺之黃晏氏黃世第妻  
年四十五歲被賊掠竝及其二子行不里許投巖死



劉韓氏劉天祿妻以天祿被執往救賊竝脅之抗節不屈受刃死天祿得脫歸

羅田氏羅開典妻年十九開典死無子以其弟開玉之子鼎興嗣氏守節撫孤歷三十年賊至自縊死年四十八歲

劉唐氏本城里劉之貴妻年五十歲初避賊水沙坪賊至親黨皆散獨居室中賊搜其衷衣大罵不從被殺

陳向氏他砂里賈家壩文生陳世瑤妻世瑤被執氏同女蓮英赴水死陳彭氏陳世瑾妻年三十四歲被賊逼

龍山縣志

卷之十五

節烈

十一

之至山巔投巖死陳邱氏陳世琛妻年二十四歲撲洞水死

李崔氏 里李起麟妻年二十四歲同夫被掠誓不受辱賊刃之益詈不止遂遇害

劉胡氏 里劉 妻年七十歲子開明孫仕榮爲賊掠猶有兩孫亟命媳蕭氏攜其一避他所以存宗祀手扼其幼孩乃自縊

向田氏他砂里向廷富妻年二十一歲被執不屈罵賊死同里楊文學妻譚氏被執渡河投水死蕭維城妻龔



氏李鳳郊妻楊氏竝其二女蕭國華妻張氏竝其一子一女俱抗節死

晏吳氏洗羅里晏多迪妻年四十八歲被脅不從與幼子俱死

張朱氏本城里后羔山張天友妻與女閨蓮俱被掠懼爲所污先毒其女旋自裁

何田氏何元貞妻年七十餘歲同夫罵賊死伍胡氏伍經元妻亦與夫同殉陳氏陳元魁母罵賊死女孫甲

秀同時被殺向王氏向廷輝妻年三十餘歲十二月二

龍山縣志

卷之十五

節烈

三

十二日廷輝被殺於豬鬃山氏往覓其尸斂埋畢自縊於側明年三月鄉人田正開過其地見之面如生

以上烈婦二十三人

李鳳林本城里油菜坪文生李如輝女年十五歲初隨母避居洛塔里之伏龍洞聞賊將至十二月二十一日雪夜復同歸道經施兒洞天甫明猝遇賊兄芳林年十七弟照林年十三皆被掠賊繫其母竝執女女兩手攀藤樹堅不受執哭且罵賊怒將引矛刺之女乘間躍入河死母亦投巖爲藤蘿纏絡得不死歸以告人



李二妹白巖里茶園李元復女年十七歲許字王長瑞  
隨父匿山中賊圍山被執大罵不屈死

晏石玉洗羅里小井溝晏多達女年十八歲隨父母避  
屋後巖洞賊以毒煙薰出其父母執之女誓不受辱堅  
匿洞中卒被薰死其餘男女薰死洞中者不可數計

賊至自盡者辰旗里水沙坪向開智女冬秀年十八歲  
春英年十五歲劉老竇女四妹年十七歲馬羅里西羅  
洞譚庚午女閏秀年十八歲許字王朝光子月妹年十  
六歲許字丁光宗子俱縊死他砂里招頭寨杜興庠女  
龍山縣志

卷之十五 節烈

三

卯秀年十六歲投水死

陳蓮英文生陳世瑤女年十七歲隨母向氏撲洞水死  
張閏蓮張天友女同母朱氏被掠仰藥死又李鳳郊女  
二蕭國華女一王文貴女一黃世甲女年十歲俱隨母  
死

陳元魁女甲秀年七歲隨祖母死

以上貞女十七人永順府知府張修府著見溪州官  
牘

補錄各烈婦事蹟



伍張氏名銀姑伍茂勳妾也咸豐十一年歸茂勳甫百餘日而粵寇至先隨茂勳侍其翁祖鴻避苦竹河黃昌模家九月十六日賊至搜得氏豔之力挈以行氏謂賊曰掠我何耶曰吾妻汝氏曰以爲殺我耶若妻之則願甚遂佯爲歡躍狀賊信之釋手使前行至路險絕處氏急跳而下賊謂其死矣舍之去氏遁還更匿黃家竹園內越日夜賊復至復搜得氏並其翁祖鴻夫茂勳園故有深池氏乘間急躍入池中而祖鴻亦隨入獨茂勳爲賊持不解方氏入池時有一賊自後斫其頸刃入寸許

龍山縣志

卷之十五

節烈

四

未殊而賊又以爲死矣舍之及明乃掠茂勳去於是羣畀出抹之氏更生而祖鴻死事平氏常望茂勳歸思之昕夕不置同治五年三月有傳茂勳死者氏聞之不以言一日佯謂家人曰太平山神甚靈吾將往禱之佑夫還也於是偕郭媪者往登山有觀音閣起懸巖上俯臨萬刃氏禮神畢卽避媪至閣前躍而墜乃死時三月八日家人求其尸惟右額創血流上下衣皆先密紵無寸隙肢體不傷損面如生時年二十四

陳邱氏陳莫京妻聞夫鬪賊死赴巖殉



武黃氏武嗣賢妻爲賊逼乘間逃山自縊死  
田向氏田進超妻夫爲賊掠氏携子女出詭願從賊者  
於是賊釋其夫携及營氏忽大罵且奪賊刃刺賊爲賊  
亂刃斫死子女俱斃

黃晏氏黃世第妻家人爲賊衝散獨氏在懼污投巖死  
陳張氏陳光國妻賊誘家人使入其黨氏以義斥拒之  
賊怒火其屋氏更大詈賊怒刃而投諸火  
何郭氏何曰傑妻爲賊掠欲污之氏詈不絕聲賊怒破  
其口亂刃斫死之

龍山縣志

卷之十五

節烈

五

蘇米氏蘇正科妻馬氏正富妻蓋娣姒也合族七十一  
人避賊巖洞中賊攻洞七日不克以毒煙薰之娣姒與  
族人皆斃

向晏氏向人文妻李氏志達妻蓋娣姒也合家避賊洞  
中賊數攻之懼洞破爲所污黑夜相偕赴巖死

冉向氏冉光楷妻聞賊將至懼污往竹林自縊死

晏多迪妻吳氏多迪年五十無嗣氏爲娶妾生一子甫  
周晬多迪客死於外粵寇犯境其妾先奉其祖姑出避  
於茶條坪氏獨攜其子與其夫妹向晏氏寡姪媳晏梅



氏同匿屋後石洞中賊入洞被執劫以行至懸巖乘賊不意齊聳身投下晏梅氏獨爲巖腰樹枝所閣得不死氏與向晏氏並投至巖下深溝中死焉其尸爲積雪所掩至明年三月雪盡始見之肌骨均不損而氏猶背負其子手堅持不可解云其巖腰上下皆陡削無徑可出晏梅氏屏伏旣逾夕瞥見前有炬火若相導者晏梅氏起從之行曲折得出巖達大道至茶條坪與家人會迄今尙存向晏氏向人樑妻晏梅氏晏良瑞妻此已見殉難婦女紀畧茲得其詳故復敘之

田向氏田有龍妻 鍾舒氏鍾之鳳妻 毛陳氏毛啟

鳳妻 吳向氏吳起玉妻 吳李氏吳宗漢妻 曾向

氏曾永言妻 毛謝氏毛起鳳妻 李王氏李光升妻

陳楊氏陳學書妻 杜陸氏杜詩賦妻 陳田氏陳國

清妻 彭向氏彭天鳳妻 賀張氏賀于連妻 駱聶

氏駱嗣源妻 胡田氏胡選之妻 劉宋氏劉國鳳妻

常陳氏常顯儒妻 趙張氏趙世重妻 陳黃氏陳之

燕妻 余鄧氏余之樂妻 張余氏張連元妻 毛劉

氏毛振舉妻 李向氏李友榮妻 唐向氏唐秀之妻



李田氏李三鴻妻 劉王氏劉齊文妻 唐周氏唐庭  
璽妻 彭田氏彭學賢妻 劉王氏劉朝昌妻 曾田  
氏曾昌榮妻 彭向氏彭有爵妻 周劉氏周先東妻  
荆晏氏荆國仁妻 晏周氏晏朝典妻 李劉氏李宋  
獻妻 李晏氏李乾元妻 姚施氏姚昌齊妻 田陳  
氏田明揚妻 劉晏氏劉紹凰妻 謝熊氏謝昌典妻  
龍譚氏龍德明妻 羅江氏羅聲聞妻 吳楊氏吳登  
元妻 田傅氏田仁興妻 彭田氏彭有明妻 田李  
氏田大仁妻 晏龔氏晏廷爵妻 謝劉氏謝爵璜妻  
龍山縣志 卷之十五 節烈 七

向蔣氏向兆元妻

胡彭氏胡祖憲妻

秦田氏秦萬

清妻

楊黃氏楊宗伋妻

彭賈氏彭德

妻 曾吳

氏曾先懷妻

魯廖氏魯萬年妻

晏向氏晏良光妻

晏黃氏晏良元妻

鄧魯氏鄧之龍妻

李黃氏李宋

文妻

彭田氏彭鳳林妻

向吳氏向興第妻

張五

秀 貞女

鄧善珍 貞女

劉藺氏劉士賢妻

李曾氏

李燾妻

李賈氏李道準妻

何張氏何先徽妻

周

杜氏周之模妻

何范氏何呈賢妻

陳鄭氏陳之魁

妻

杜劉氏杜宗元妻

張周氏張慶湘妻

蕭夏氏



蕭尙錦妻 黃鍾氏黃楷本妻 李王氏李家壽妻  
郭彭氏郭如紅妻 段向氏段文華妻 晏梅氏晏相  
文妻 黃梁氏黃之廣妻 張任氏張宏能妻 黃瞿  
氏黃世樞妻 向謝氏向祖文妻 劉龍氏劉文選妻  
晏周氏晏相暘妻 周徐氏周開昭妻 范胡氏范德  
茂妻 鄭姚氏鄭德馨妻 曾周氏曾紀智妻 朱鍾  
氏朱學榜妻 陳彭氏陳兆麟妻 何胡氏何呈瑞妻  
符張氏符朝鑾妻 伍黃氏伍山珍妻 徐楊氏徐文  
書妻 聶黃氏聶善元妻 晏李氏晏相齊妻 毛晏  
龍山縣志 卷之十五 節烈 六  
氏毛榮達妻 饒鍾氏饒建侯妻 張陳氏張宏喜妻  
曾胡氏曾學南妻 姚唐氏姚秀榮妻 周李氏周文  
炳妻 王甘氏王愈昌妻 張向氏張光遴妻 田晏  
氏田志學妻 饒彭氏饒慶雲妻 費晏氏費盛林妻  
楊劉氏楊秀祥妻 鍾陳氏鍾盛珍妻 黃李氏黃大  
瑩妻 李段氏李在茲妻 李劉氏李濤妻 劉謝氏  
劉盛科妻 向楊氏向國賓妻 李馬氏李學函妻  
譚王氏譚必孝妻 張陳氏張大純妻 李魯氏李仁  
香妻 向鄧氏向人信妻 謝朱氏謝大鏞妻 黃王



氏黃永鳳妻 舒劉氏舒予聰妻 李張氏李啟儒妻  
鄭李氏鄭德行妻 姚李氏姚榮謙妻 莫鄭氏莫之  
祥妻

以上咸豐八年

旌表

伍胡氏伍祖維妻 羅曾氏羅安瀾妻 向田氏向鳳  
翔妻 羅田氏羅開典妻 滕袁氏滕其林妻 許傳  
氏許兆魁妻 歐陽劉氏 歐陽華海妻 石馬氏石天榜妻  
向尙氏向廷弼妻 田向氏田正芳妻 田向氏田世

龍山縣志

卷之十五

節烈

九

瑛妻 彭賈氏彭正龍妻 孫譚氏孫正鴻妻 羅瞿  
氏羅白鳴妻 蕭田氏蕭善述妻 丁夏氏丁克綱妻  
夏黃氏夏盛倫妻 李羅氏李啟香妻 楊羅氏楊元  
漢妻 周杜氏周海邦妻 楊王氏楊太震妻 彭陳  
氏彭登儒妻 雷彭氏雷昌貞妻 田陳氏田顯林妻  
李楊氏李光文妻 彭王氏彭楚錦妻 陳王氏陳之  
漢妻 田向氏田世澤妻 向田氏向朝富妻 黃張  
氏黃大猷妻 舒黃氏舒世楠妻 李孫氏李文秀妻  
歐陽劉氏 歐陽裕錦妻 田姚氏田應武妻 謝向氏謝綱



妻 夏石氏夏芳明妻 晏梅氏晏良瑞妻 殷劉氏  
殷明魁妻 郭尹氏郭永太妻 鄒陳氏鄒炳煥妻  
陳邱氏陳莫京妻 武黃氏武嗣賢妻 田向氏田進  
超妻 黃晏氏黃世第妻 陳張氏陳光國妻 何郭  
氏何曰傑妻 伍張氏伍茂錦妻 晏石玉晏多達妻  
蘇米氏蘇正科妻 蘇馬氏蘇正富妻 向晏氏向人  
文妻 向李氏向志達妻 冉向氏冉光裕妻 陳伍  
氏陳先衡妻

以上同治四年

龍山縣志

卷之十五

節烈

三

旌

補錄節孝事蹟

陳彭氏陳盛徵妻年二十七而盛徵沒遺子啟綱翁姑  
年老氏事之孝行勅備拊啟綱至成立躬治園蔬熟時  
先薦祖考供塾師然後自食每朔望必齋戒澡浴爇香  
祀竈神非寢疾不廢也粵寇之亂氏先謂啟綱曰此家  
豈竟我有哉卽盡散藏穀與里貧者比寇至將燬其居  
以里翟蒲兩老者見賊酋力求之而免翟蒲益會受所  
散穀者也熊氏女貧而盲爲給穀十石贍之又捐修新



寨坪橋竝涼亭五所年六十二以節孝  
旌建專坊於營房溝

何胡氏何呈瑞妻年三十呈瑞沒氏事翁姑有孝行婉  
愉承順使翁姑若未嘗喪子者姑病奉藥膳勤悴周至  
三年如一日修治橋道所在傾助歲終出錢粟濟里貧  
者或苦寒則施棉衣咸豐八年以節孝

旌建專坊督學張鏞以筠心柏壽額其門

杜劉氏杜宗元妻年二十九而寡事翁姑婉曲承驩數  
十年無少迂翁性亢直時凌犯人幾生事氏輒使人陰

龍山縣志

卷之十五

節烈

三

謝而解之杖拄門戶如宗元在時使翁姑忘其無子姑  
晚嬰痺疾飲膳起居皆躬奉之不以委子婦教子興讓  
嚴謹有禮法宗元沒興讓生未晬也卒使成立年六十  
七終

蔣張氏蔣榮錦妻監生張自南女也年二十歸榮錦越  
九年榮錦沒遺子一女一姑年七十餘病盲倚氏爲命  
氏事之周謹鞠拊子女皆成立上豐膳養下而婚嫁如  
禮職是資用漸乏氏性狷介不肯一毫貸求鄰里晚依  
胞兄振銘居振銘時賙給之不辭亦不謝也年七十五



卒

包唐氏包禮紳妻籍宣恩禮紳前妻胡氏沒始娶爲繼室禮紳沒之明年胡氏子賢書亦卒氏綜持內外或欲藉事構訟思漁弋氏家者及見氏皆熱服意解而去宗人某初與有怨嫌氏爲接待有加禮某亦感悔同治甲乙年竝饑出錢穀賙里貧者不足復貸錢數百千濟之初禮紳父子皆善良以家多故致漸落至氏身反宴然家復起氏生子二賢尹賢哲禮紳仲弟禮純三弟禮紅皆蚤卒禮純妻何禮紅妻熊皆守節皆無子氏則以賢

龍山縣志

卷之十五

節烈

三

哲繼何以賢尹繼熊而已則撫賢書子良相爲後賢書妻饒守節如氏事氏以孝聞何氏熊氏亦事氏惟謹氏亦與親愛無閒皆善教子有成立氏二十八歲守節今四十八歲何十八歲守節今五十六歲熊二十九歲守節今五十一歲饒二十一歲守節今四十歲

李羅氏李啟香妻年二十八啟香沒遺子徵遠甫三歲芬遠一歲家貧以紉績自給日營一餐而鞠其二子必屨足徵遠方成立而沒而芬遠已先出繼姑夫袁英蘭易名品方及品方力學成名能授徒自贍以氏孤無依



乃迎養之氏性專介不肯一毫求貸於人品方請迎養  
初則嚴拒至再三涕泣跪請始許之品方復以其子某  
爲徵遠後

饒陳氏饒璇繼妻貢生陳紹濬女也年二十四歸璇越  
四年璇以選貢赴

朝考沒於京氏聞耗毀糙號泣絕飲食誓以身殉會有  
遺腹子又宗親勸解之乃勉起如常氏性溫淑善事翁  
姑璇前妻黃有子拊之同己子皆教督有成立氏年四  
十八卒

龍山縣志

卷之十五

節烈

三

張王氏張鼎臣繼室年二十一歸鼎臣未三年而鼎臣  
卒前妻賈氏有子賈澤方四歲家貧勢難自存有族某  
勸其再嫁至笞徧之堅不從資紡績自守撫賈澤至成  
立無何賈澤死遺二子氏復與其媳聶氏拊成之氏年  
二十四守節五十三歲卒

田晏氏武生田永思妻年二十四永思死遺一子一女  
鞠拊成立婚嫁如禮子清源死遺二子三女媳鍾氏亦  
守節如其姑上事下蓄以孝慈稱晏氏見年六十四歲  
鍾朱氏鍾逢綬妻年二十三逢綬沒遺子時煦生十七



日先姑卒時以其二弟二妹屬氏俱幼弱氏爲拊育至是又拊其孤子而祖姑尙在食用不給業紡紉繼之上事祖姑及翁無廢禮下拊孤子諸弟妹婚嫁以時氏有孝行姑病侍藥膳夜嘗廢寢浣濯污穢不以爲嫌沒哀毀盡禮翁病數十年膿血污穢尤甚日數浣易亦未嘗一委娣媳見者難之氏守節三十四年今五十七歲

張覃氏張延濤妻年二十夫故無子氏號痛欲身殉以兩姑喻解乃強起如常氏夫庶出氏事庶母段有孝行嫡母鍾尤愛憐氏事無大小悉委之營治而氏亦事之

龍山縣志

卷之十五

節烈

十四

有加禮鍾病侍藥膳夜不就寢者兩月沒哀禮勅備以長兄延洪女爲女又子其子家幹賜濟孤貧修造橋路皆婉承姑意資助之守節二十一年今四十一歲

鍾向氏鍾逢禧妻年二十七夫沒遺一子一女俱幼穉家貧勤紡績自贍嘗傭針黹以給不足荒年食粥日惟一餐或其子采蕨濟之而養姑必取饜飽鄰婦某勸其更適氏痛詈之某至不敢再見姑沒喪葬盡禮姑以節旌氏守節三十年今五十七歲

孫彭氏孫家相妻年十六歸家相二十三歲家相沒遺



子一女二初家相生最晚其父極愛憐之至是悲慟尤甚無何姑又卒翁益不堪氏於是勸翁娶繼姑而事之如其姑所居距父母家不遠然無事不輕往來雖周親罕見其面年四十二卒

夏黃氏夏偉焜妻偉焜沒氏時年二十一無子拊從兄偉觀子爲嗣居常悲思流淚而見翁姑則強言笑以博其懽翁姑有疾湯藥必嘗而後進浣滌中裙械臉未嘗假婢媪年三十二以憂鬱卒

黃上官氏黃一尹妻歸一尹四十日而一尹以經歷出

龍山縣志

卷之十五

節烈

五

官甘肅一尹父先卒氏事母諧順能得其懽會其家某與氏有隙遂誣以失行爲書告一尹一尹信之及一尹以母喪歸某復多方附會欲坐實前言一尹數鞠訊氏氏不服加考榜氏不勝楚毒乃仰藥死初宗人皆知氏貞正數爲申辨一尹瞽然不察比死宗人爲題木主奉入宗祠且作歌詩以申雪之一尹亦得其日用記籍犁然周備始覺其賢然悔不及也氏死將一月某病見氏至形狀可畏且云已訴寃冥中須某赴質某遂死田貞女梅英處士太濂季女也七歲喪母父拊教之讀



書識大義幼許字楊氏子某婚有期而楊某沒女聞計請奔喪父止之女閉門飲泣一晝夜自經死

甘貞女榮秀立清女也幼許字聶由茂子自杰未及婚而自杰病故貞女誓不再字有依母終身之志性溫重寡言笑無事不輕出閨闈嫺戚罕見其面見年三十六歲

陳陽氏陳學詩妻大喇里人年二十二歲夫沒守節氏性賢淑事姑惋愉承順姑意常懼然忘其無子鞠拊二子慈嚴兼盡和輯宗黨終始無閒言見年三十八歲里

龍山縣志

卷之十五

節烈

三

人欽其節行以輝揚彤史額其廬

賢婦

黃熊氏黃大鐘妻性溫淑事尊章能晉眉睫之間而婉媪將順之然治家則嚴整有規法諸子略不當臆卽厲訶之雖經抱子女者猶程督若暑穉時於色辭無少假借生羸稟受有知略山土原田悉暢曉之指畫犁然若躬歷其地而識焉者大鐘嘗與諸子夜論古辭章源流體度時爲誦某文氏聞之曰若言誠燦然動聽矣然吾意殊不愜吾不能識其他顧何以不通於世要大鐘笑



頷之既謂諸子曰歐陽公云文章祇於潤身政事可以及物卽此義也家豐饒待人有恩紀某宗親貧無生業氏爲終廩其父母及某身貧如故又重資之數年某故負心以逆疇或爲氏憤然曰吾之爲此竭吾心而已吾初願未嘗冀彼德我也當之夷然職是人尤多其局量以夫弟大鎮貴

馳封宜人

劉常氏劉方瑾妻性婉婉有孝行翁素剛稜少有觸卽怒發若燦烈氏固委順常得其歡心姑病拒進藥氏則

龍山縣志

卷之十五

賢

三

爲不食姑夙愛氏謂曰汝不懼饑死耶氏曰常人宜飯猶病者宜藥也氏懼姑不藥而死氏豈獨甘食而生耶於是姑爲嘗藥治家勤劬工紡績家凡六人終年所衣繻葛惟其時然皆氏手製之不需於肆有孫四歲喪母氏撫育之少長其父以家貧將令習賈氏謂曰天道虧前必益後汝父與汝兩世儲學無所發天或者以厚此子也且其幼奇慧必能勝讀者安可使誤哉後孫果以優學問成其名先是氏夫方瑾及子啟績固皆工制藝而終其身閔於有司者故氏云然



鍾王氏鍾仕虞妻嫁時家貧姑性剛急又老且瞽易怒怒輒叫罵終日王謹事之察意所向先焉姑樂之終歲不怒仕虞兄先死嫂繼之遺子女六人皆幼王抱持眠食之無倦見者以爲王出不知其兄子也仕虞不善治生常游學歲飢食少王典衣釧易米食諸兒自瀾野菜食之一日方共食姑掩至問諸孫何食曰飯嬸何食曰菜以手捫之果然姑益賢之嘆曰吾得瞑矣後諸子長皆母事王王生子必瑚亦敦行尙氣節有名庠序閒

晏余氏晏齊相妻年三十齊相死遺子女各二人先是

龍山縣志

卷之十五

賢婦

三

齊相兄嫂竝病沒其孤子女無所依時已久異居矣於是氏勸齊相復與共居爲撫育之其孤子一女二至是竝已孤子女共七人皆幼穉皆倚於氏家極貧氏日夜躬紡紝資其食衣猶時空乏則多稱貸濟之累勞勤十餘年竝成人爲婚嫁盡如禮氏性開達生平所習境有才丈夫不能展措者氏處之固裕如對儕輩辭論軒軒未嘗參一感貧尤命之語其待姪子女尤有恩紀一衣食甘美必先之而後及己生者時不全贍則任己生者凍餒之而獨爲資其溫飽故氏病沒姪子女皆哀哭之



若喪其母然頻年凶荒流離載道惟氏力能全活度如平世而內而祖宗歲時無廢祀外而姻黨婚嫁喪葬慶弔無廢儀故人尤推其才幹云

壽婦

黃張氏黃大鎮妻年九十六歲 陳于氏陳倫浩妻年九十一歲 黃晏氏黃大鉞妻見年八十一歲 常宋氏常天班妻年九十五歲 閔劉氏閔妻年九十歲 張陳氏張金獻妻年九十歲 董張氏董光科妻年八十七歲 舒張氏舒宗桂妻見年八十二歲

龍山縣志

卷之十五

壽婦

完

吳鍾氏吳宗林妻年八十四歲 吳楊氏吳宗高妻見年八十七歲 李王氏李仕韜妻見年九十七歲 李羅氏李發科妻見年八十五歲 鄭宋氏鄭人寬妻年九十六歲 鄭彭氏鄭邦畿妻年八十四歲 潘胡氏潘士國妻見年八十一歲 段楊氏段貴立妻年八十五歲 劉王氏劉廷華妻年八十六歲 段龍氏段景俊妻年八十五歲 姚江氏姚昌麒妻年八十五歲 姚向氏姚妻年八十七歲 陳張氏陳之典妻見年八十八歲 齒落吳梅氏吳長柏妻見年八十二歲 重生



鍾饒氏鍾盛珂妻年八十三歲 曾常氏文生曾述經  
妻見年九十四歲 曾方氏武生曾傳忠妻年八十一  
歲五世同堂 晏徐氏晏良仁妻見年八十一歲 彭  
向氏彭學貴妻年九十二歲 田楊氏田萬州妻年九  
十九歲 吳林氏吳正富妻年八十二歲 胡劉氏胡  
士瑋妻見年九十五歲 黃陳氏黃昌謨妻見年八十  
六歲 曾汪氏曾自華妻見年八十一歲

